

Ժողովուրդ

90
(2756)

22 հունիսի հինգշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ԵՐԵՎԱՆՈՒՄ ԲԻԶՆԵՄՆ Է ԾԱՂԿԱՑՆՈՒՄ



«Ժողովուրդ» օրաթերթը նախօրեին գրել էր, որ Արցախի նախկին պետնախարար Ռուբեն Վարդանյանի խորհրդական Արման Հակոբջանյանին այս օրերին հաջողվել է փախչել շրջափակված Արցախից. Հակոբջանյանն ինքը մեզ հետ զրույցում չէր էլ հերքել այս տեղեկությունը:

«Ժողովուրդ» օրաթերթին հայտնի դարձավ, որ վերջինս Երևանում իր բիզնեսը ընդլայնելով է զբաղված:

Մեր հավաստի տեղեկություններով՝ Հակոբջանյանը գնել է Գագիկ Ծառուկյանին պատկանող գազալցակայանների ցանցը:

Ծառուկյանին են պատկանում «Մուլտի գազ» եւ «Մուլտի լեռն» ընկերությունների գազալցակայանները:

«Ժողովուրդ» օրաթերթի հետ զրույցում Իվետա Տոնոյանը հաստատեց, որ ԲՀԿ ղեկավարը վաճառել է իրեն պատկանող գազալցակայանները, բայց չգաղտնագրծեց, թե ում:

Մեզ հաջողվեց պարզել, որ գնորդը Արման Հակոբջանյանն է:

«Ժողովուրդ» օրաթերթը անկողմնակալությունը պահելու համար այս տեղեկությունը եւս փորձեց ճշտել Հակոբջանյանից:

Մեր հարցը լսելով՝ վերջինս կրկին վրդովվեց.

«Նախ՝ ես չեմ ցանկանում հեռախոսով մեկնաբանություն տալ, երկրորդ՝ եթե մի տեղ կա գնորդ եւ վաճառող, նախ վաճառողը պետք է առաջինը մեկնաբանի, երկրորդը՝ արձագանքեց նա:

Երբ ասացինք, որ մյուս կողմը նույնպես մեկնաբանել է, Հակոբջանյանը շարունակեց խուսափել պատասխանից՝ ասելով, թե ծանոթներ չենք, ու ինքը չի ցանկանում մեկնաբանել, վաճառող կողմը թող մեկնաբանի:

Այսպիսով, Արցախում գումար աշխատելու շանսերը սպառված է համարում Հակոբջանյանը, փախել է Հայաստան՝ ընդլայնելու իր բիզնեսը: Դեռ կանդիդատուհանք, թե ԲԿ-ական որ պատգամավորի եւ որ պաշտոնային տանիքի տակ է Արման Հակոբջանյանը զարկ տալիս իր բիզնեսին:

Հիշեցնենք, որ Արման Հակոբջանյանն այն գործարարն է, որ 2018-ից հետո Նիկոլ Փաշինյանի մերժման պայմաններում Սեւանա լճի ափին շքեղ առանձնատուն է կառուցել մի շարք օրինախախտումներով, սակայն Փաշինյանը այժմ է փակում դրանց վրա:

«Ժողովուրդ» օրաթերթի տեղեկություններով՝ ընդդիմադիր «Հայաստան» խմբակցությունը երկարատե քննարկումներից հետո որոշել է մասնակցել Երևանի ավագանու առաջիկա ընտրություններին: Մեր աղբյուրներից տեղեկացանք, որ ընդդիմադիր խմբակցությունն այս օրերին ակտիվ քննարկումների մեջ է. որոշում են՝ ինչ ձեռնաչափով մասնակցեն, ում թեկնածությունն առաջադրեն: Նրանք փորձում են գտնել մի թեկնածուի, ում շուրջ հնարավոր կլինի լայն կոնսոլիդացիա ապահովել եւ գնալ քաղաքական, այլ ոչ քաղաքային ընտրության: Փաստ է, որ այս պահին դեռ թեկնածու չեն գտել, փնտրությունների մեջ են: «Ժողովուրդ» օրաթերթի հետ զրույցում «Հայաստան» խմբակցության քարտուղար Արծվիկ Մինասյանը հաստատեց մեր այս տեղեկությունը՝ հավելելով. «Թե ինչ ձեռնաչափով ենք մասնակցելու, կամ թեկնածուն ով է լինելու, որոշում չկա. քննարկումները սրանց շուրջ դեռ շարունակվում են»:



Հ 3 փոխվարչապետ Միեր Գրիգորյանն ունի մեկ անհատական բնակելի տուն, մեկ բնակարան, մեկ հողամաս եւ երկու ավտոտնակ, ընդ որում դրանք գտնվում են տարբեր վայրերում: «Ժողովուրդ» օրաթերթը փոխվարչապետի՝ 2022 թվականի հայտարարագրից տեղեկացավ, որ հողամասն ու առանձնատունը Աշտարակ քաղաքում են, իսկ մյուս գույքերը՝ Երևանում: Կենտրոն վարչական շրջանում: Պարզվում է՝ Միեր Գրիգորյանը բանկում ավանդներ ունի՝ 525 հազար դոլարի եւ 40 մլն դրամի չափով: Տարվա վերջում նա բանկային հաշիվներին ունեցել է 3 մլն դրամ, իսկ որպես կանխիկ դրամ հայտարարագրել է 70 մլն դրամ: Փոխվարչապետը մեկ տարում 1 մլրդ դրամից ավելի եկամուտ է ունեցել, որի մեջ 23մլն դրամը նրա աշխատավարձն է, իսկ մյուս գումարն էլ փոխառություններից է ստացված: Փոխվարչապետը մեկ տարվա ընթացքում նաեւ 56 մլն դրամի ծախս է ունեցել, սակայն բովանդակությունը բացահայտված չէ:



«Ժողովուրդ» օրաթերթի տեղեկությունների համաձայն՝ ՀՀ գլխավոր դատախազության ապօրինի ծագում ունեցող գույքի բռնագանձման գործերով վարչությունը, ամենայն հավանականությամբ, Արարատյան հայրապետական թեմի առաջնորդ, արքեպիսկոպոս Նավասարդ (Սամվել) Կոնյանի գույքի հարցով դիմում կներկայացնի դատարան: Ավելին՝ մեր տեղեկություններով՝ դատախազությունում այս պահին Կոնյանի պարզաբանումներն են ստուգում, որոնք, կարծես թե, այդքան էլ համոզիչ չեն համարել: Մեր այս տեղեկությունը ՀՀ գլխավոր դատախազությունից չմեկնաբանեցին: Ինչպես հայտնի է, այս տարվա հունվարի 23-ին Արարատյան հայրապետական թեմի առաջնորդ, արքեպիսկոպոս Նավասարդ (Սամվել) Կոնյանը հրավիրվել էր Գլխավոր դատախազության ապօրինի ծագում ունեցող գույքի բռնագանձման գործերով վարչություն: Կոնյանին պատկանող գույքի առնչությամբ իրականացվում է ուսումնասիրություն, որի արդյունքում կազմվել է ամփոփագիր, ավելին՝ Նավասարդ Կոնյանի գույքն արգելանքի տակ է դրվել: Բանն այն է, որ իրավապահները հարց են բարձրացրել՝ որտեղից հոգեւորականը, որը չի ունեցել եկամուտ, ունի մեծ ծավալների գույք: Հոգեւորականը բացատրել է, որ դա նա՝ որպես հոգեւորական, ստացել է նվիրատվություն, իսկ, ահա, իրավապահները հոգեւորականին բացատրել են, որ եկեղեցին ասում է՝ այդ նվիրատվությունն իրենք չեն, եկեղեցուն է: Հիմա բանը հասել է այնտեղ, որ դատախազությունը սպասում է հոգեւորականի կողմից ներկայացվելիք փաստաթղթերին, որոնք կհիմնավորեն, որ Կոնյանի ունեցվածքն օրինական է: Նվիրատվությունն անձամբ իրեն են արել, թե՛ եկեղեցուն. փաստ է, որ նա է տնօրինում գույքը:



ՄԱՆՐԱՄԱՍՆԵՐ

ՄԵՍՐՈՊ ԱՌԱՔԵԼՅԱՆԸ՝ «ՀԱՅԱՔՎԵ»-Ի ՄԱՍԻՆ

«Ժողովուրդ» օրաթերթի տեղեկությունների համաձայն՝ վերջերս «Հայաքվե» օրենսդրական նախաձեռնությունը դրսևել է «Ապրելու երկիր» կուսակցության նախագահ Մանե Թանգիլյանին, որդեսզի միանա նախաձեռնությանը, սակայն վերջինս մերժել է:

«Ժողովուրդ» օրաթերթը կապ հաստատեց «Ապրելու երկիր» կուսակցության համահիմնադիր, քաղաքական խորհրդի անդամ Մեսրոպ Առաքելյանի հետ՝ պարզելու եղելությունը:

-Պարոն Առաքելյան, մեր տեղեկությունների համաձայն՝ «Հայաքվե» օրենսդրական նախաձեռնությունը դիմել է «Ապրելու երկիր» կուսակցությանը, որպեսզի միանան նախաձեռնությանը, եւ մերժում է ստացել: Որքանով է տեղեկությունը համապատասխանում իրականությանը:

-Այո, մենք քննարկել ենք «Հայաքվե» նախաձեռնության հետ համագործակցության ձեռնապահերը եւ հայտնել մեր պատրաստակամությունը՝ հաշվի առնելով, որ ստորագրությունների հավաքման գործընթացը կազմակերպվելու է բացառապես համայնքապետարաններում եւ այն համայնքներում, որտեղ «Ապրելու երկիրը» իշխանություն է: Հայտնել ենք մեր պատրաստակամությունը, որ առնվազն այդ համայնքներում մենք պատրաստ ենք աջակցել այդ նախաձեռնությանը:

-Այսինքն՝ «Ապրելու երկիր» կուսակցությունը միանում է նախաձեռնությանը:

-Միանալ չէ, մենք պատրաստ ենք միանալ ոչ թե որպես կուսակցություն, այլ կուսակցության ռեսուրսներով հայտնել ենք պատրաստակամություն՝ աջակցելու, առավել եւս՝ մարզերում, որտեղ ունենք մեծ ռեսուրսներ: Մենք բոլոր մարզերում ունենք ներկայացվածություն, մի քանի համայնքներում ունենք իշխանություն, եւ հաշվի առնելով, որ «Հայաքվե»-ի կարեւորագույն հատվածը կայանում է նրանում, որ ստորագրությունները հնարավոր է կազմակերպել բացառապես համայնքապետարաններում, այն համայնքներում, որտեղ մենք կառավարում ենք, այդտեղ աջակցությունը ավելի մեծ կլինի:

-Պարոն Առաքելյան, Դուք մտածում եք, որ «Հայաքվե» նախաձեռնության ստորագրահավաքին կարող են խոչընդոտել համայնքապետարաններում:



-Ես նկատի ունեմ, որ մարդիկ պետք է գնան համայնքապետարան, եւ չեմ բացառում, որ գործող իշխանության կողմից կառավարվող համայնքապետարաններում այս պրոցեսը տեղի չունենա, կամ փորձեն խոչընդոտել: Քաղաքացիները ստորագրելու ցանկություն ունենալու պարագայում պետք է մտնեն համայնքապետարաններում օրենքով պարտավոր են այդ պրոցեսը իրականացնել, բայց չեմ բացառում, որ այնտեղ, որտեղ «Քաղաքացիական պայմանագիր»-ն է իշխանության, խոչընդոտեն գործընթացին:

-Պարոն Առաքելյան, Նաեւ կարծիք է հնչում, որ դուք չեք միացել նախաձեռնությանը, քանի որ առջեւում քաղաքապետի ընտրություններ են, եւ չեք ուզում այլ նախաձեռնություններով հանդես գալ. սա որեւէ կերպ առնչություն ունի:

-«Հայաքվե» նախաձեռնության հեղինակները այն անձինք են, որոնք որոշել են իրենց նախաձեռնությունը իրականացնել, հետեւաբար մենք աջակցում ենք այն բոլոր նախաձեռնություններին, որոնք ինչ-որ ձեւով ուղղված են Արցախում ստեղծված իրավիճակի կարգավորմանը: Ինչ վերաբերում է կուսակցությանը, այո, այս պահին մեր գլխավոր խնդիրը Երեւանի ընտրություններն են: Ամենայն հարգանքով բոլոր նախաձեռնություններին, բայց ստեղծված իրավիճակից դուրս գալու միակ ճանապարհը իշխանափոխությունն է: Մնացած բոլոր նախաձեռնությունները, ցավոք, առկա մարտահրավերներին չեն կարող տալ այն լուծումը, որի անհրաժեշտությունը ունենք: Հետեւաբար, այո, մեր կուսակցության բոլոր ռեսուրսները ուղղված են լինելու Երեւանի ընտրություններում հաղթելու եւ իշխանափոխություն իրականացնելուն ոչ միայն Երեւանում:

Ջրուցեց ՄԱՇԱ ՄԵԼՔՆՅԱՆԸ



ՄԻԼԻՈՆՆԵՐ՝ ՓԻԱՌԻ ՀԱՄԱՐ



ՀՀ կառավարությունը մտադիր է 64 մլն 166 հազար դրամ հատկացնել՝ «ՀՀ վերաբերյալ պաշտոնական տեղեկատվության ապահովում, նաեւ՝ միջազգային հարթակներում» միջոցառման համար: Այս որոշմամբ, ըստ էության, իշխանությունները նպատակ ունեն ավելի լավ իրականացնել իրենց փիառը միջազգային ասպարեզում, այն էլ՝ մի քանի լեզուներով: Բանն այն է, որ այս գումարը տրամադրվելու է, որպեսզի «Արմենպրես» լրատվական գործակալությունը նորություններ հրատարակի նաեւ չինարեն, պարսկերեն եւ վրացերեն: Ավելին՝ նպատակների իրականացման համար փոփոխվել է «Արմենպրես»-ի հաստիքացուցակը. ավելացվել են 16 նոր հաստիքներ: Համաձայն նոր հաստիքացուցակի՝ 16 աշխատակիցների վարձատրության համար անհրաժեշտ է 45.576,3 դրամ: Ստացվում է՝ իշխանությունը ձգտում է պետական լրատվամիջոցը զարգացնել, որպեսզի ապահովվի իրենց գովազդը, քանի որ Հանրային հեռուստաընկերությունն էլ վաղուց վերածվել է իշխանության քարոզչամեքենայի:

ԵՄ ԳԻՏՈՐԳՆԵՐԸ՝ ՀԱՅԱՍՏԱՆՈՒՄ

Հայաստանում ԵՄ դիտորդական պատվիրակությունը իր թվիթերյան միկրոլոգում գրել է. «Հայաստանում ԵՄ առաքելության ղեկավար Մարկուս Ռիտերը եւ Հայաստանում ԵՄ պատվիրակության ղեկավար, դեսպան Անդրեա Վիկտորինո ողջունում են ԵՍ պաշտպանության հանձնաժողովի նախագահ Նատալի Լուազոյին եւ SEDE-ի պատվիրակությանը, որոնք Սիսիանի օդանավակայանում կմիանան ԵՄ մոնիտորինգային թիմին՝ Լաչինի միջանցքում ծրագրվող պարեկության համար»:

ԼՈՒՐԵՐ

ՔՊ-ԱԿԱՆ ԴԱՏԱԳԱՄԱՎՈՐԸ ԸՆԿԵՐՈՋ ՄԵՔԵՆԱՅՈՎ

«Ժողովուրդ» օրաթերթը հայտնել էր, որ ԱԺ «Քաղաքացիական պայմանագիր» խմբակցության պատգամավոր Կարեն Սարուխանյանը վթարի է ենթարկվել՝ իրեն պատկանող ավտոմեքենայով բախվելով բեռնատարի: Վթարը տեղի է ունեցել Գյումրու նախկին «Շիրակ» հյուրանոցի մոտակայքում:

«Ժողովուրդ» օրաթերթը ֆիքսեց, որ Սարուխանյանի մեքենայի վրա վրացական պետհամարանիշներ են: Բոլորի համար տարօրինակ էր այն փաստը, թե ինչու է պատգամավորը երթել եկում վրացական պետհամարանիշներով:

«Ժողովուրդ» օրաթերթը կապ հաստատեց Կարեն Սարուխանյանի հետ՝ պարզելու համար, թե ինչպես է ստացում, որ վերջինս այդ համարանիշներով է երթել եկում: Մեզ հետ զրույցում պատգամավորը հայտարարեց, թե մեքենան, որն այդ օրը վարել է, եղել է իր ընկերոջ մեքենան:

Ավելին՝ Սարուխանյանն ասաց՝ թե՛ Գյումրիում եւ՛ թե՛ այլ վայրերում իրեն կարելի է տեսնել եւ՛ վրացական, եւ՛ ռուսական, եւ՛ հայկական համարանիշներով, ու դրանք բոլորը պատկանում են իր ընկերներին:

Սարուխանյանը նաեւ նշեց, որ ինքը ավտոմեքենա չունի, եւ իր հայտարարագրում որեւէ մեքենա նշված չէ, ինքը երթել եկում է բացառապես իր ընկերների մեքենաներով: Նաեւ հավելեց, որ այդ վթարի մեղավորը ինքը չի եղել, եւ պատկան մարմինները կբացահայտեն իրականությունը:

ՄԵՐԺ ՄԱՐԳՍՅԱՆԻ ԱՐՉԱԳԱՆՔԸ՝ ՎԱՐՉԱՊԵՏԻՆ

ՀՀ երրորդ նախագահ Մերժ Սարգսյանի գրասենյակից հայտարարություն են տարածել, որում ասվում է. «Հայրենավաճառության մեջ մեղադրվողի հուսահատ ջանքերը ոչ մի քննության չեն դիմա՛նում»: ՀՀ 3-րդ նախագահի գրասենյակ»:

Մեկնաբանություն ստանալու՝ լրատվամիջոցների խնդրանքներին ընդառաջելով՝ ՀՀ երրորդ նախագահի գրասենյակն արձագանքում է վարչապետի աթոռը զբաղեցնողի երեկվա ցնորամտություններին, որոնք հնչել են «2020 թվականի սեպտեմբերի 27-ին սանձազերծված ռազմական գործողությունների հանգամանքների ուսումնասիրման նպատակով ստեղծված ԱԺ քննիչ հանձնաժողովի դռնբաց նիստ» կոչվող շոուի ժամանակ:

«ՀՀ վարչապետի աթոռը զբաղեցնող կապիտուլյանտի երեկվա ընթերցանությունը ՀՀ ԱԺ քննիչ հանձնաժողովում ավելի շուտ հիշեցնում էր սեփական պետությանն ու ժողովրդին դավաճանելու մեջ մեղադրվողի պաշտպանական ճաշի փորձարկում:

Հայրենավաճառության մեջ մեղադրվողի հուսահատ ջանքերը ոչ մի քննության չեն դիմանում: Արդարացում չունեցող՝ իր պետականակործան քաղաքականությունն արդարացնելու նպատակով ակնհայտ փաստերի միտումնավոր խեղաթյուրումն ավելի է ծանրացնում հանցանքը»:

ԻՐԱՎԻՃԱԿ

ՂԱՏԱՊԱՐՏՈՒՄ

ԱՐՑԱՆԻ ԱԳՆ-Ն՝ ԱՌԲԵՋԱՆԻ ՎԱՐՔԱԳԾԻ ՄԱՍԻՆ

ԳՈՐԾՈՒՂՎԵՑԻՆ ՌԴ



Վարչապետ Նիկոլ Փաշինյանի որոշմամբ՝ փոխվարչապետ Սիեր Գրիգորյանի գլխավորած պատվիրակությունը հունիսի 22-24-ը կգործուղվի Ռուսաստանի Դաշնություն:

«Ժողովուրդ» օրաթերթը տեղեկացավ, որ պատվիրակությունը Մոսկվայում կմասնակցի Եվրասիական տնտեսական հանձնաժողովի խորհրդի և ԱՆԿ-ի պետությունների համագործակցության տնտեսական խորհրդի նիստերին:

ՌԴ մեկնող պատվիրակության կազմում լինելու են ՌԴ-ում 33 արտակարգ և լիազոր դեսպան Վաղարշակ Չարությունյանը և Բելառուսում 33 արտակարգ և լիազոր դեսպան, ԱՊՀ կանտոնարական և այլ մարմիններում 3 այսպես կոչված ճանապարհորդության մշտական լիազոր ներկայացուցիչ Ռազմիկ Խումբարյանը, 33 Էկոնոմիկայի նախարարի տեղակալ Նարեկ Տեդյանը, 33 պետական եկամուտների կոմիտեի նախագահի տեղակալ Աջոտ Մուրադյանը, 33 արտաքին գործերի նախարարության Եվրասիական տարածաշրջանի վարչության ՅԱԿԿ բաժնի պետ Ժիրայր Անանյանը:

ԶԻՐՄԻՆԱ ՄՈՒՇԵՐՅԱՆ

ՎԱՐԺԱՆՔՆԵՐԸ ԿՄԿՍՎԵՆ

«Ժողովուրդ» օրաթերթը տեղեկացավ, որ նախատեսվում է 2023թ. օգոստոսի 1-ից մինչև հոկտեմբեր 13-ը անցկացնել պահեստազորայինների վարժական հավաքներ:

Դրա հետ կապված՝ նաև որոշում է կայացվել ռազմատրանսպորտային պարտականություններ ունեցող մարմիններից ներգրավել տրանսպորտային միջոցներ, սահմանել վարժական հավաքների անցկացման նպատակները, ներգրավվող պահեստազորայինների կազմերը, քանակները, ներգրավման ժամկետները, ներգրավվող տրանսպորտային միջոցների տեսակները, քանակները և ներգրավման ժամկետները:

Տեղեկացանք, որ հայտարարվող վարժական հավաքների ծախսերն իրականացվելու են՝ 33 2023 թվականի պետական բյուջեով այդ նպատակով հատկացված միջոցների հաշվին:

Արցախի ԱԳՆ-ն հայտարարություն է տարածել Ադրբեջանի կողմից միջազգային դատապարտությունների խախտմամբ Լաչինի միջանցքի ամբողջական արգելափակման կառավարությանը, որում նշված է.

«Հունիսի 15-ից ի վեր՝ արդեն 7-րդ օրն է, ինչ Ադրբեջանը ամբողջությամբ արգելափակել է ՌԴ խաղաղապահ զորակազմի և Կարմիր խաչի միջազգային կոմիտեի (ԿԽՄԿ) կողմից Լաչինի միջանցքով իրականացվող բոլոր տեսակի հումանիտար բեռների՝ ներառյալ պարենի և դեղորայքի մատակարարումներն Արցախ՝ դրանով իսկ միտումնավոր զրկելով Արցախի 120 հազար բնակչությանը, այդ թվում՝ երեխաներին, կանանց և ծերերին, գոյատևման նվազագույն միջոցները:

Ընդգծում ենք, որ Լաչինի միջանցքի ամբողջական և կամայական արգելափակումը, մասնավորապես՝ ՌԴ խաղաղապահ զորակազմի և ԿԽՄԿ-ի կողմից Արցախի պաշարված ժողովրդի հիմնական կարիքների համար նախատեսված մարդասիրական բեռների փոխադրմանը միտումնավոր խոչընդոտելը, միջազգային իրավունքում դիտարկվում է որպես պատերազմական հանցագործություն: Ըստ էության, Ադրբեջանը 2020թ. նոյեմբերի 9-ի եռակողմ հայտարարության դրույթների աղաղակող խախտումներից է ՄԱԿ-ի միջազգային դատարանի՝ 2023 թ. փետրվարի 22-ի իրավաբանորեն պարտավորեցնող վճռի լիակատար անտեսումից անցել և պատերազմական հանցագործություն հանդիսացող գործողությունների:

Հիշեցնենք, որ Լաչինի միջանցքը, որը նախատեսված է Ռուսաստանի, Ադրբեջանի և Հայաստանի ղեկավարների՝ 2020 թվականի նոյեմբերի 9-ի եռակողմ հայտարարությամբ, որով, մասնավորապես, սահմանվում է ՌԴ խաղաղապահ զորակազմի կողմից միջանցքի բացառիկ վերահսկողությունը, անցած վեց ամիսների



ընթացքում գործել է Ադրբեջանի կողմից խիստ և կամայական սահմանափակումներով և օգտագործվել միայն ԿԽՄԿ-ի և ՌԴ խաղաղապահ զորակազմի ավտոմեքենաների անցման համար: Հունիսի 15-ին՝ Հակարիի կամրջի վրա ադրբեջանական դրոշի հետ կապված կանխամտածված սադրանքից հետո, Ադրբեջանն ամբողջությամբ արգելափակել է միջանցքը, այդ թվում՝ գրահամեքենաների օգտագործմամբ: Այսպիսով, միջանցքով երկու ուղղություններով երթևեկությունն արդեն փակ է նաև ԿԽՄԿ-ի և ՌԴ խաղաղապահ զորակազմի ներկայացուցիչների համար, որոնք առաջին անհրաժեշտության պարուններ էին մատակարարում Արցախի Հանրապետության:

Արցախի լիակատար շրջափակումը և արտաքին աշխարհից մեկուսացումը խորացնում են հումանիտար ճգնաժամը և պարարտ հող նախապատրաստում, որպեսզի մարդկության դեմ ուղղված Ադրբեջանի շարունակական հանցագործությունները վերաճեն ցեղասպանության հանցագործության: Ամբողջովի արգելափակելով Լաչինի միջանցքը, որն արցախ-

ցիների կյանքի միակ ճանապարհն է՝ Ադրբեջանը փաստացի Նոր մակարդակի է հասցրել Արցախի էթնիկ գտման և, որպես այդպիսին, նրա ժողովրդի ոչնչացման իր նպատակաուղղված քաղաքականությունը:

Կասկածից վեր է, որ Լաչինի միջանցքի նկատմամբ ապօրինի վերահսկողություն սահմանելու սկզբնական նպատակը եղել է դրա հետագա արգելափակումը և շրջափակման օգտագործումը որպես Արցախի ժողովրդի դեմ ագրեսիվ և ցեղասպան քաղաքականություն վարելու միջոց: Ըստ էության, Լաչինի միջանցքը, որն ի սկզբանե նախատեսված էր արտաքին աշխարհի հետ Արցախի կապն ապահովելու համար և հանդիսանում էր նրա ժողովրդի բնականոն կենսագործունեության երաշխիքներից մեկը, Ադրբեջանի կողմից օգտագործվում է որպես ռազմաքաղաքական գործիք Արցախի Հանրապետության և նրա քաղաքացիների դեմ ագրեսիվ գործողություններ իրականացնելու համար:

Խստորեն պահանջում ենք, որ միջազգային հանրության բոլոր պատասխանատու անդամները ձեռնարկեն անհրաժեշտ հավաքական և անհատական միջոցներ՝ դադարեցնելու Ադրբեջանի կողմից իրականացվող շարունակական միջազգային հանցագործությունները, ինչպես նաև կանխելու Արցախի ժողովրդին սպառնացող ցեղասպանության աղետը: Ժամանակն է նաև, որպեսզի ԿԽՄԿ-ն և այլ համապատասխան միջազգային կառույցները և իրավապաշտպան կազմակերպությունները պատշաճ և համարժեք գնահատեն ստեղծված իրավիճակը և հորդորեն Ադրբեջանի իշխանություններին հարգել Արցախի ժողովրդի մարդասիրական օգնության և միջազգային պաշտպանության իրավունքը: Ընդգծում ենք, որ անգործությունը և անտարբերությունը փաստացի խրախուսում են Ադրբեջանի ցեղասպան գործողությունները»:

ՕՐՎԱ ԽՃԱՆԿԱՐ

ԱԳՆ ԱՆԽԱՐԱՐԻ ՏԵՂԱԿԱՆ ԸՆԴՈՒՆՆԵՑ

33 ԱԳ նախարարի տեղակալ Վահան Կոստանյանն ընդունել է Եվրոպական խորհրդարանի անվտանգության և պաշտպանության հարցերով ենթակոմիտեի պատվիրակությանը՝ նախագահ Նատալի Լուազոյի գլխավորությամբ:

33 ԱԳՆ-ից հայտնում են, որ ողջունելով պատվիրակության անդամներին՝ Վահան Կոստանյանը բարձր է գնահատել Հայաստանի համար առաջնային կարևորության հարցերում Եվրոպական խորհրդարանի սկզբունքային դիրքորոշումը՝ շնորհակալություն հայտնելով պատվիրակության անդամներին իրենց հայանպաստ գործունեության համար:

Կողմերը քննարկել են Հայաստանի և Եվրոպական միության միջև համագործակցության օրակարգին առնչվող հարցերի լայն շրջանակ: Հայկական կողմը մեծապես կարեւորել է Հայաստանում ԵՄ առաքելության տեղակայումը և տարածաշրջանում անվտանգային իրավիճակի կայունացմանն ուղղված ԵՄ ջանքերը: Քննարկված հարցերի համատեքստում ԱԳ նախարարի տեղակալը համապարփակ ներկայացրել է Հայաստան-Ադրբեջան հարաբերությունների կարգավորման գործընթացի և ԼՂ ժողովրդի իրավունքների և անվտանգության երաշ-

խիքների հասցեագրման շուրջ վերջին զարգացումները, ինչպես նաև, զրուցակիցների խնդրանքով, անդրադարձել է հայ-թուրքական հարաբերությունների կարգավորմանն ուղղված քայլերին:

ՀԱՄԱԳՈՐԾԱԿՑՈՒԹՅՈՒՆ՝ ՔԵՏԱԳԱ ԸՆԴԱՅՆՄԱՆ ՀԱՄԱՐ

Հայ-թուրքմենական տնտեսական համագործակցության հետագա ընդլայնման հնարավորություններն են քննարկվել 33-ում Թուրքմենստանի արտակարգ և լիազոր դեսպան Մուհամետեյի Այագովի ու Հայաստանի արդյունաբերողների և գործարարների միության փոխնախագահ Ներսես Կարամանուկյանի՝ ՀԱԳՄ-ում կայացած հանդիպման ժամանակ:

«Երկկողմ տնտեսական կապերն ունեն լավ ավանդույթներ, վերջին տարիներին արձանագրվել է փոխադարձ ապրանքաշրջանառության զգալի աճ»,- նշեց Միության փոխնախագահը: Նրա խոսքով՝ հայ գործարարները լավ հեռանկարներ են տեսնում առետրատնտեսական փոխգործակցության խորացման համար, առկա է դեռևս չօգտագործված ներուժ ամենատարբեր էներգետիկ, գյուղատնտեսության, թեթև արդյունաբերության, դեղագործական, ոսկերչու-

թյան, շատ այլ ոլորտներում: Ներսես Կարամանուկյանը դեսպանին ներկայացրեց ՀԱԳՄ գործունեությունը, իրականացվող ծրագրերը:

Շնորհակալություն հայտնելով ընդունելության համար՝ Մուհամետեյի Այագովը նշեց, որ տնտեսական համագործակցությունը Հայաստան-Թուրքմենստան հարաբերությունների կարեւորագույն ուղղություններից է: 33-ում 4,5 տարվա իր դիվանագիտական գործունեության ընթացքում հաջողվել է իրագործել երկկողմ հիշարժան նախաձեռնություններ, սակայն կան դեռ բազմաթիվ չիրականացված հնարավորություններ: Նրա խոսքով՝ առետրատնտեսական կապերի հետագա զարգացմանը կարող է նպաստել նաև այն լոգիստիկ ծրագրերի իրականացումը, որոնք ներկայում քննարկման փուլում են: Արտակարգ և լիազոր դեսպանը կարեւորեց երկու երկրների Արդյունաբերողների և գործարարների միությունների սերտ համագործակցությունը՝ որպես տնտեսական կապերի աշխուժացման կարեւոր գործոն:

Մուհամետեյի Այագովը փոխանցեց Թուրքմենստանի նախարարների կաբինետի նախագահի տեղակալ Բաթիր Աուդաեյի նամակը, որով նա ՀԱԳՄ նախագահ Արսեն Ղազարյանին հրավիրում է մասնակցելու Նորակառույց Արկաղաղ քաղաքի՝ հունիսի 29-ին կայանալիք պաշտոնական բացմանը և այդ առիթով կազմակերպվելիք միջոցառումներին:

ՎԱՐՈՒՅՑ

ՎԵՐԱՎԱՃԱՌՎԱԾ ԸԻՆՈՒԹՅՈՒՆՆԵՐ՝ ՊՆ-Ի ԿՈՂՄԻՑ

Պաշտպանության նախարարությունը «Կրեդիտ-Երևան բանկ» ՍՊ ընկերությունից, ոչեռնային հանդեպ ունեցած 500 հազար ԱՄՆ դոլար դարսֆի դիմաց, 2004 թվականին ստացել է ընկերությանը դասկանող 441,01 մլն մակերեսով շինությունը և նույն գույքը մեկ ամիս անց 90 հազար ԱՄՆ դոլարով՝ 410 հազար ԱՄՆ դոլարով դակաս, վաճառել «Անելիք բանկ» ՍՊԸ-ին. հայտնում են դասխազությունից:



Պայմանագրով նախարարությունը պարտավորվել է գույքի վաճառքից գոյացած գումարը՝ 500 հազար ԱՄՆ դոլարը գերազանցելու դեպքում ավել գումարը վերադարձնել «Կրեդիտ Երևան բանկ» ՍՊ ընկերությանը: Ընդամենը մեկ ամիս 12 օր անց՝ 2004 թվականի հունիսի 13-ին, նախարարությունը՝ ի դեմս նախարար Ս.Ս.-ի, նույն գույքը 90 հազար ԱՄՆ դոլարով՝ 410 հազար ԱՄՆ դոլարով պակաս, վաճառել է «Անելիք բանկ» ՍՊԸ-ին:

Երեան քաղաքի Ավան եւ Նոր Նորք վարչական շրջանների դատախազությունում, պետական (համայնքային) շահերի պաշտպանության հայց հարուցելու գործառույթի շրջանակում, ուսումնասիրվել է Նոր Նորք վարչական շրջանի «Տիգրան Մեծի անվան զբոսայգու» տարածքի Մուլդովական 27ա հասցեում գտնվող գույքի եւ տարածքի օտարման գործը:

Ուսումնասիրությամբ պարզվել է, որ 2004 թվականի մայիսի 17-ին «Կրեդիտ-Երևան բանկ» ՍՊԸ-ին տրվել է Մուլդովական 27ա հասցեում գտնվող՝ 441,01 քմ մակերեսով շինության սեփականության եւ 525 քմ մակերեսով հողամասի վարձակալության վերաբերյալ իրավունքի վկայականը (հողամասը, Երեանի քաղաքապետի 2004 ապրիլի 27-ի թիվ 697-Ա որոշմամբ, ընդգրկված է եղել օտարման ոչ ենթակա հողերի ցանկում):

2004 թվականի հունիսի 1-ին «Կրեդիտ Երևան բանկ» ՍՊԸ լուծարվող բանկի եւ Պաշտպանության նախարարության միջեւ՝ ի դեմս նախարար Ս.Ս.-ի կողմից լիազորված անձ Վ.Ա.-ի, կնքվել է պայմանագիր, ըստ որի՝ բանկը, Պաշտպանության նախարարության հանդեպ իր ունեցած 500 հազար ԱՄՆ դոլար պարտավորությունների դիմաց, ՊՆ-ին է հանձնել Մուլդովական 27ա հասցեում գտնվող՝ 441,01 քմ մակերեսով շինությունն ու 525 քմ մակերեսով հողամասը:

Բացի այդ, կառավարության՝ 2005 թվականի դեկտեմբերի 12-ի որոշմամբ հաստատված Երեան քաղաքի գլխավոր հատակագծի ուսումնասիրությամբ պարզվել է, որ նշված տարածքը դեռեւս չպարզված հանգամանքներում առանձնացվել է այգու սահմաններից՝ դասակարգվելով որպես հասարակական կառուցապատման հողամաս: Մասնավորապես՝ 2006 թվականին Երեանի գլխավոր ճարտարապետն «Անելիք բանկ» ՍՊԸ-ին հայտնել է, որ հողամասը ՀՀ հողային օրենսգրքի 60-րդ հոդված սահմանափակումների ցանկում չէ եւ կարող է օտարվել, ինչի հիման վրա՝ հողամասն ուղղակի վաճառքով 2 մլն 375 հազար 100 դրամով օտարվել է վերը նշված բանկին: 2007 թվականին, Երեանի քաղաքապետի որոշմամբ, բանկին վաճառվել է նաեւ հողամասին հարակից 274, 85 քմ մակերեսով հողամասը, ինչպես նաեւ տրամադրվել է 239 քմ մակերեսով հողամաս՝ առանց քաղաքաշինական գործունեություն իրականացնելու թույլտվության:

ԿԱԾԱՌԸ

ՆԱԽԱՔՆՆՈՒԹՅՈՒՆՆԵՐ ԱՎԱՐՑՎԵԼ Է

Թալինի համայնքապետարանի աշխատակցի հարողման հիման վրա ՀՀ հակակոռուպցիոն կոմիտեի կողմից իրականացված օդերսիվ-հետախուզական միջոցառումների արդյունքում նախաձեռնված ֆեւսական վարույթով հիմնավորվել է, որ «Ա. Պեռլիտ» ՍՊԸ սնորհք իր օգտին ամօրհիպ գործողություն կատարելու համար դասեցնուսար անձին սվել է խոսուր չափերով՝ 1.900.000 ՀՀ դրամ կաւառք:

պատկանող հանքայնուրի վերամշակման գործարանում, որի աշխատանքի արդյունքում առաջացող փոշին վնասում է հարակից տարածքում գտնվող բերքը եւ բնակիչների մեծամասնության դժգոհության պատճառ հանդիսանում, դեմ է արտահայտվել հողատարածքը «Ա. Պեռլիտ» ՍՊ ընկերությանը վարձակալությամբ տրամադրելուն, ինչի հիման վրա՝ նշված ՍՊԸ-ի լիցենզավորումը մերժվել է:

ԶԿ-ից հայտնում են, որ նախաքննությամբ պարզվել է՝ «Ա. Պեռլիտ» ՍՊԸ տնօրեն Է. Ա.-ն դիմել է Թալինի համայնքապետարանի աշխատակցի Ս. Ռ.-ին եւ վերջինիս խնդրել միջնորդել Թալին համայնքի ղեկավար Ս. Ս.-ին կաշառքի դիմաց պեռլիտի հանքի շահագործման համար Նոր լիցենզիա ստանալու հարցում, մասնավորապես՝ արդյունահանման աշխատանքներ կատարելու նպատակով Ս. Ս.-ի միջամտությամբ հանրային կրկնակի լուսններ կազմակերպել ու Թալինի համայնքապետարանի դիրքորոշման մասին Նոր՝ դրական եզրակացություն ուղարկել «Շրջակա միջավայրի վրա ազդեցության փորձարկման կենտրոն» ՊՈԱԿ:

Այնուհետեւ «Ա. Պեռլիտ» ՍՊԸ տնօրեն Է. Ա.-ն դիմել է Թալինի համայնքապետարանի աշխատակցի Ս. Ռ.-ին եւ վերջինիս խնդրել միջնորդել Թալին համայնքի ղեկավար Ս. Ս.-ին կաշառքի դիմաց պեռլիտի հանքի շահագործման համար Նոր լիցենզիա ստանալու հարցում, մասնավորապես՝ արդյունահանման աշխատանքներ կատարելու նպատակով Ս. Ս.-ի միջամտությամբ հանրային կրկնակի լուսններ կազմակերպել ու Թալինի համայնքապետարանի դիրքորոշման մասին Նոր՝ դրական եզրակացություն ուղարկել «Շրջակա միջավայրի վրա ազդեցության փորձարկման կենտրոն» ՊՈԱԿ:

Դրանից հետո Ս. Ռ.-ն հարողում է ներկայացրել ՀՀ ազգային անվտանգության ծառայության «Ա. Պեռլիտ» ՍՊ ընկերության տնօրենի կողմից կաշառք տալու վերաբերյալ, որի հիման վրա՝ ՀՀ հակակոռուպցիոն կոմիտեում նախաձեռնված վարույթով իրականացվել են գաղտնի քննչական գործողություններ, այդ թվում՝ «Կաշառք ստանալու նմանակում», որի շրջանակում է. Ա.-ն Ս. Ռ.-ի միջոցով 2023 թվականի ապրիլի 27-ին Ս. Ս.-ին տվել է խոշոր չափերով՝ 1.900.000 ՀՀ դրամ կաշառք:

Կաշառք տալուց անմիջապես հետո է. Ա.-ն ձերբակալվել է ՀՀ հակակոռուպցիոն կոմիտեի օպերատիվ-հետախուզական վարչության աշխատակիցների կողմից:

Է. Ա.-ին մեղադրանք է ներկայացվել՝ ՀՀ քրեական օրենսգրքի 436-րդ հոդվածի 2-րդ մասի 2-րդ եւ 3-րդ կետերով: Նա իրեն լիովին մեղավոր է ճանաչել ներկայացված մեղադրանքում եւ տվել խոստովանական ցուցմունքներ:

Քրեական վարույթով նախաքննությունն ավարտվել է: Վարույթի նյութերը՝ մեղադրական եզրակացությամբ, հանձնվել են հսկող դատախազին՝ այն հաստատելու եւ դատարան ուղարկելու միջնորդությամբ:

ԲԱՅԱՅԱՅՏՈՒՄ

ԿԱԼԱՆԱՎՈՐԸ ԻՆՔՆԱՄՊԱՆ Է ԵՂԵԼ

Քիչ առաջ «ժողովուրդ» օրաթերթին հայտնի դարձավ, որ «Արմավիր» ԶԿ-ում կալանավորին գտել են կախված վիճակում: Մենք տեղեկացանք, որ նա մեղադրվում էր հոր սպանության համար:

Մեր այս տեղեկությանն ի պատասխան՝ Արդարադարադության նախարարության քրեակատարողական ծառայության լրատվական ծառայությունից հայտնեցին. «2023 թվականի հունիսի 21-ին՝ ժամը 07:00-ի սահմաններում, Հայաստանի Հանրապետության արդարադատության նախարարության «Արմավիր» քրեակատարողական հիմնարկում հայտնաբերվել է մեկ նախցում տեսական ժամանակ մեկուսի պահվող կալանավորված անձ, 1979թ. ծնված, ՀՀ քր. օր.-ի 166հ. 2մ. 1կ. մեղադրվող Վ.Ղ.-ի դին՝ խցի պատուհանի ճաղովանդակից սավանով կախված վիճակում: Ղեպքի առթիվ ՀՀ ԶԿ Արմավիրի մարզային քննչական վարչության Վաղարշապատի քննչական բաժնում նախապատրաստվում են նյութեր»:

ՉԵՌԵՐՆ ՈՒ ՈՏՔԵՐԸ ԿԱՊԵԼ ԷՐՆ

Հունիսի 19-ին՝ ժամը 21.50-ին, ոստիկանության Կոտայքի բաժնի հարողում տված քաղաքացին հայտնել էր, որ քույրը՝ 1981 թ. ծնված Նվարդ Նալչաջյանը, հունիսի 18-ի ժամը 19-ին դուրս է եկել Պտղի գյուղի Ամառանցային թաղամասի 2-րդ փողոցի իր տնից եւ չի վերադարձել:

Արվյանի քննչական բաժնում նախաձեռնվել է քրեական վարույթ:

ՆԳՆ քրեական ոստիկանության, Կոտայքի եւ Արմավիրի մարզային վարչությունների, Կոտայքի, Հրազդանի, Նաիրիի եւ Վաղարշապատի բաժնիների ծառայողների համատեղ ձեռնարկած միջոցառումների արդյունքում պարզվել է, որ Նվարդ Նալչաջյանին սպանել է Արմավիրի մարզի Փարաքար գյուղի 18-ամյա մի բնակիչ: Հունիսի 20-ի ժամը 21.20-ին Արմավիրի մարզի Մերձավան գյուղի Երեանյան խճուղու շենքերից մեկում նա հայտնաբերվել, ձերբակալվել եւ, Նվարդ Նալչաջյանի «Միցուբիշի» մակնիշի մեքենայով հանդերձ, տեղափոխվել է ոստիկանության Կոտայքի բաժնի, որտեղ խոստովանել է, որ նշված հանցանքը կատարել է ինքը:

Փարաքար գյուղի բնակիչ, 18-ամյա Երիտասարդը եւ կազմված փաստաթղթերը ներկայացվել են Արմավիրի քննչական բաժնի, որտեղ նա ցուցմունք է տվել՝ հայտնելով դիակի գտնվելու վայրը: Փարաքար գյուղի չճահագործվող քարի արտադրամասի հարակից ձորակում հայտնաբերվել է դիակը՝ ձեռքերը, ոտքերն ու բերանը կաշուն ժապավենով կապկապված:

Քրեական վարույթը շարունակվում է:

● Ըստ ոստիկանության տվյալների՝ հունիսի 20-ից 21-ը Հայաստանի Հանրապետությունում բացահայտվել է հանցագործության 62 դեպք, որոնցից 5-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՍԱՐՁ

ԴԱՏԱԿԱՆ ԿՐՔԵՐ՝ ԳԻԼԻՋԱՆԻ ԱԶԳԱՅԻՆ ՊԱՐԿՈՒՄ

«Դիլիջան ազգային պարկ» ՊՈԱԿ-ի «Դիլիջան տեղամաս» մասնաճյուղի պետ Արտակ Յարությունյանը դիմել է Տավուշի մարզի առաջին ատյանի դատարան՝ «Դիլիջան ազգային պարկ» ՊՈԱԿ-ի տնօրենի ժամանակավոր պաշտոնակատար Ռոբերտ Ալիխանյանի՝ 2023թ. մայիսի 12-ի թիվ 107-Ա հրամանն անվավեր ճանաչելու պահանջով, այդ հայցն ընդունվել է դատավոր Նանա Կոստանյանի վարույթ: Մինչ այդ Արտակ Յարությունյանը Տավուշի մարզի առաջին ատյանի դատարան է դիմել՝ Ռոբերտ Ալիխանյանի՝ 2023թ. մարտի 24-ի թիվ 67-Ա հրամանն անվավեր ճանաչելու պահանջով: 2023թ. մայիսի 18-ին դատարան է հանձնվել այդ հայցադիմումի պատասխանը: «ժողովուրդ» օրաթերթը կապ հաստատեց Դիլիջան ազգային պարկի տնօրենի ԺՊ Ռոբերտ Ալիխանյանի հետ, որպեսզի ճշտի, թե իր՝ 2023թ. մարտի 24-ի թիվ 67-Ա հրամանն ու 2023թ. մայիսի 12-ի թիվ 107-Ա հրամանն ինչ բովանդակություն ունեն: Նա ասաց, որ այդ հրամանները նույն բովանդակություն ունեն, ինքը դրանցով Արտակ Յարությունյանին նկատողություն է հայտարարել բնակչությանը թափուկ վառելիքայտ մատակարարելու հետ կապված աշխատանքներում թերանալու համար: Հավելեց, որ Արտակ Յարությունյանը «Դիլիջան ազգային պարկ» ՊՈԱԿ-ի տնօրենի ԺՊ-ի հրամանը դատական կարգով վիճարկելու հաջող փորձ ունի: «Դիլիջան ազգային պարկ» ՊՈԱԿ-ի տնօրենի ժամանակավոր պաշտոնակատար Արա Խյուլյանի՝ 2021 թվականի հունիսի 25-ի հրամանով՝ Արտակ Յարությունյանի նկատմամբ կիրառվել է կարգապահական տույժ: Նա ազատվել է ազգային պարկի «Դիլիջան տեղամաս» մասնաճյուղի պետի պաշտոնից: Վերջինս դիմել է դատարան: 2022 թվականի ապրիլի 27-ին Տավուշի մարզի առաջին ատյանի դատարանի նախագահ Սարգիս Արմենակյանը վճռել է Ա. Յարությունյանի հայցը բավարարել, անվավեր ճանաչել Ա. Խյուլյանի՝ 2021 թվականի հունիսի 25-ի թիվ 258-Ա հրամանը՝ «Դիլիջան տեղամաս» մասնաճյուղի պետ Ա. Յարությունյանի նկատմամբ կարգապահական տույժ կիրառելու և նրան աշխատանքից ազատելու մասին, Ա. Յարությունյանին վերականգնել իր նախկին աշխատանքում, «Դիլիջան ազգային պարկ» ՊՈԱԿ-ից հոգուտ Ա. Յարությունյանի բռնազանձել միջին աշխատավարձը՝ հաշվարկը կատարելով հարկադիր պարապորդի ամբողջ ժամանակահատվածի համար՝ 2021թ. հունիսի 25-ից մինչև վերջինս իր նախկին աշխատանքում վերականգնելու օրն ընկած ամբողջ ժամանակահատվածի համար, «Դիլիջան ազգային պարկ» ՊՈԱԿ-ից հոգուտ 33 պետական բյուջե բռնազանձել 4000 դրամ, ինչպես նաև դատարանի վճռով հաշվարկվող գումարի երկու տոկոսը՝ որպես վճարման ենթակա պետական տուրքի գումարներ: Ազգային պարկի տնօրենի ԺՊ Արմեն Ղազարյանը, չսպասելով, որ անցնի մեկամսյա ժամկետը, և դատարանի վճիռն օրինական ուժի մեջ մտնի, հրաման է տվել Ա. Յարությունյանին վերականգնել իր նախկին աշխատանքում: Ազգային պարկի իրավաբանը համարել է, որ դատարանի վճիռը բողոքարկելու իմաստ չկա, վերաքննիչ դատարանում հարթելու շանս գոյություն չունի, իսկ յուրաքանչյուր օրվա համար ՊՈԱԿ-ը պետք է Ա. Յարությունյանին գումար վճարի:

ՈՍԿԱՆ ՍՈՐԳՅԱՆ Տավուշ

ՆԻՍՏ

ՔՆՆԱՐԿՎԵԼ ԵՆ ՀԱՄԱՊԱՏԱՄԽԱՆՈՒԹՅԱՆ ԽՆԴԻՐՆԵՐԸ

ՀՀ կրթության, գիտության, մշակույթի և սպորտի նախարարությունում կայացել է Մասնագիտական կրթության և ուսուցման զարգացման ազգային խորհրդի (ՄԿՈՒԶԱՆ) հերթական նիստը, որը վարել է ԿԳՄՍ նախարար Ժաննա Անդրեասյանը:

Նիստին ներկա են եղել ԿԳՄՍ նախարարի տեղակալ Արաքսիա Սվաջյանը, նախնական (արհեստագործական) և միջին մասնագիտական կրթության վարչության պետ Արմենուհի Պողոսյանը, քոլեջների, ուսումնարանների տնօրեններ, կարիերայի կենտրոնների ներկայացուցիչներ:

Նիստի օրակարգային հարցերից էին գործատուների պահանջարկի և ՄԿՈՒ հաստատությունների կողմից մատուցվող կրթական ծառայությունների առկա խնդիրները, կարիերայի կենտրոնների աշխատանքի արդյունավետությունը, կատարվող աշխատանքների որակի բարձրացմանն ուղղված միջոցառումները, Հայաստանի գործատուների հանրապետական միության (ՀԳՀՄ) առաջարկները, ԿԳՄՍ նախարարության ռազմավարական մոտեցումը ՄԿՈՒ խորհուրդների աշխատանքին և այլ հարցեր:

ԿԳՄՍ նախարար Ժաննա Անդրեասյանը ողջունել է ներկաներին և կարեւորել ներկայացված օրակարգի քննարկումը՝ վստահություն հայտնելով, որ այն արդյունավետ կլինի բոլոր կողմերի համար:

Նախարարի խոսքով՝ շրջանառության մեջ է «Մասնագիտական կրթության և ուսուցման մասին» օրենքի նախագիծը, որն առաջիկայում կներկայացվի Ազգային ժողով, և կառաջարկվի կազմակերպել հանրային լսումներ՝ հրավիրելով ոլորտի ներկայացուցիչներին՝ քննարկելու ներդրված նոր մեխանիզմները:

Երեւանի զբոսաշրջության, սպասարկման և սննդի արդյունաբերության հայհունական, Թեթեւ արդյունաբերության պետական քոլեջի և Երեւանի թիվ 8 արհեստագործական պետական ուսումնա-



րանի տնօրենները ներկայացրել են իրենց ուսումնական հաստատություններում առկա խնդիրները, որոնք վերաբերում են մասնագիտությունների համալրմանը, դրանց գրավչության բարձրացմանը, կիրառական գիտելիքի մատուցման համար նոր սարքավորումներ ունենալու անհրաժեշտությանը, ուսանողներին աշխատանքով ապահովելու, գործատուների հետ համագործակցելու ներկա պայմաններին:

Երեւանի թեթեւ արդյունաբերության պետական քոլեջի տնօրեն Արտակ Սարգսյանի հավաստմամբ՝ քոլեջը գործատուների հետ համագործակցության հաջողված փորձ ունի, սակայն ակնհայտ է արդիական սարքավորումների անհրաժեշտությունը, քանի որ այդ առումով ուսումնական պրակտիկան և գործատուների պահանջները չեն համապատասխանում:

Ուսումնական հաստատությունների ղեկավարների խոսքով՝ մասնագիտությունների վերաբերյալ իրազեկումն ապահովելու նպատակով նրանք աշխատում են դպրոցների հետ, իսկ ուսանողներին աշխատանքով ապահովելու նպատակով՝ անձամբ գործատուների հետ, որոնք անմիջապես ներկա են լինում նաև ամփոփիչ քննություններին: Ընդգծվել է, որ թեև որոշ մասնագիտու-

թյուններ լայն պահանջարկ ունեն, սակայն աշխատաշուկա մուտք գործելու համար դիպլոմավորված մասնագետ լինելը նախապայման է հանդիսանում, ինչը ՄԿՈՒ ոլորտում լրացուցիչ խնդիր է առաջացնում:

Կարիերայի կենտրոնների ներկայացուցիչների խոսքով՝ մարզերում մասնագիտություններն ընտրվում են՝ ըստ տվյալ տարածաշրջանին բնորոշ տնտեսական առանձնահատկության, և այդ առումով ուսանողները հիմնականում աշխատանք գտնելու խնդիր չեն ունենում: Կողմերը հավաստել են ՄԿՈՒ ծրագրերը տվյալ մարզի զարգացման ծրագրին համահունչ դարձնելու անհրաժեշտությունն ու արդյունավետությունը բոլոր մարզերի համար:

Հանդիպման ընթացքում ՀԳՀՄ ներկայացուցիչները հանդես են եկել ՄԿՈՒ ոլորտի վերաբերյալ առաջարկներով: Մասնավորապես՝ առաջարկվել է ոլորտի մասնագիտությունների ցանկը հաստատելիս կիրառել հավատարմագրման այլընտրանքային տարբերակ՝ այլ կառույցների ակտիվ մասնակցությամբ, կրթական չափորոշիչներում և մոդուլային ծրագրերում որպես բաղկացուցիչ ավելացնել ժամանակի կառավարում, վերլուծական մտածելակերպ, թիմային աշխատանք, խնդիրների լուծում և այլ հմտություններ, գործնական դասերն անցկացնել հենց գործատուների տարածքում և այլն:

ՀԳՀՄ-ի կողմից առաջարկվել է նաև ԿԳՄՍ նախարարության և «Արդյունաբերության անվտանգության ուսումնական ազգային կենտրոն» ՓԲԸ-ի հետ համատեղ իրականացնել վերապատրաստում ՄԿՈՒ ոլորտի սովորողների և աշխատակազմի անվտանգության ապահովման վերաբերյալ:

Հանդիպման ավարտին ձեռք է բերվել պայմանավորվածություն հաջորդիվ առանձին հանդիպումներ կազմակերպելու և ոլորտին առնչվող խնդիրները քննարկելու նպատակով:

ԼՈՒՐԵՐ

ՀԱՄԱԳՈՐԾԱԿՑՈՒԹՅՈՒՆԸ ԿԵՆՏՐՈՆԱՎԻՍ

«Ararat կոնյակի մատակարարումները Ռուսաստան իրականացվում են արտադրողի հետ գործող պայմանագրերով և կշարունակվեն նաև հետագայում, հարկ եղած դեպքում էլք կգտնվի», - «ՌԻԱ Նովոստիին» տված հարցազրույցում ասել է երկրի խոշորագույն գինի ներկրող Luding Group-ի գործադիր տնօրեն Էռնեստ Խաչատուրյանը:

Մայիսի վերջին ընկերությունը հայտարարեց, որ Pernod Ricard-ից, որը նախկինում որոշել էր դադարեցնել իր արտադրանքի արտահանումը երկիր, ծանուցումներ չի ստացել Ararat կոնյակի ապրանքանիշի հետ համագործակցությունը դադարեցնելու մասին և շարունակում է այն մատակարարել ռուսական շուկա:

«Ոչինչ չի փոխվել, մատակարարումները շարունակվում են: Ռուսաստանում առանց Ararat-ի, և Ararat-ն առանց Ռուսաստանի ես չեմ պատկերացնում: Գործող բոլորը պայմանագրերը կատարվում են, հետո կնայենք, ինչ-որ էլք կգտնենք: Կրկին ֆրանսիական արտադրողը երկար ժամանակ հարաբերություններ էր

հաստատում ինչպես Ռուսաստանի, այնպես էլ Հայաստանի հետ», - ասաց Խաչատուրյանը:

Մայիսի կեսերին Pernod Ricard-ը հայտարարեց, որ ապրիլի վերջին դադարեցրել է իր բոլոր միջազգային ապրանքանիշերի արտահանումը Ռուսաստան: Նշվել էր, որ ընկերությունը կդադարեցնի նաև իր արտադրանքի տարածումը երկրում: Ընկերության պրոտֆեյթը ներառում է տասնյակ ապրանքանիշեր, այդ թվում՝ Chivas Regal վիսկի, Jameson, Ballantine's, Absolut օղի, Olmeca տեկիլա, Havana ռոմ և Ararat կոնյակ:

Մայիսի կեսերին նաև Հայաստանի էկոնոմիկայի նախարար Վահան Քերոբյանն ասել էր, որ Pernod Ricard-ին պատկանող Երեւանի կոնյակի գործարանը կարող է դադարեցնել իր արտադրանքի արտահանումը Ռուսաստան:

ՀԻՄՆԱՆՈՐՈՎՈՒՄ Է ՃԱՆԱՊԱՐՀԸ

Հիմնանորոգվում է Գեղարքունիքի մարզի Լճաշեն բնակավայրում գտնվող կիկլոպյան ամրոց տանող ճանապարհը՝

1.2կմ երկարությամբ: «Ճանապարհային դեպարտամենտ» հիմնադրամից հայտնում են, որ շինարարությունը ՀՀ պետական բյուջեից տրամադրված միջոցներով իրականացնում է «Ճանշին» ՍՊԸ-ն, տեխնիկական հսկողությունը՝ «Հալոյի քոնսալթ» ՍՊԸ-ն:

«Ճանապարհային դեպարտամենտ» հիմնադրամից հայտնում են, որ այս պահին կապալառու կազմակերպությունը կատարում է ծածկի քանդում, ջրահեռացման համակարգի, մայրերի կառուցում, տեղադրվում են վաքեր: Ամբողջովին կվերականգնվի երթուղուց հատվածը, կնորոգվեն նաև ճանապարհի վրա գտնվող երկաթբետոնե կամուրջները, հիմնանորոգվող հատվածը կկահավորվի անվտանգության տարրերով:

Նշված ճանապարհի հիմնանորոգումը կարելու էր նշանակություն ունի տարածաշրջանի զբոսաշրջության զարգացման առումով: Լճաշենը Հայաստանի հնագույն բնակավայրերից է: Այստեղ բացվում են մեր անցյալի մասին պատմող նշանակալի հնագիտական շերտեր, ինչի վկայությունն է հենց կիկլոպյան ամրոցը, որը թվագրվում է Քրիստոսի ծննդից առաջ 3-րդ հազարամյակին:

● Անցած 1 օրվա ընթացքում Հայաստանի Հանրապետությունում արձանագրվել է 10 ՃՏՊ. 14 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ՔՆՆԱՐԿՈՒՄ

ԲՈՒՂԵՐՈՒՄ ՊՈՐՏՈՒԳԱԼԵՐԵՆ ԿՍՈՎՈՐԵՆ

ՀՀ կրթության, գիտության, մշակույթի եւ սպորտի նախարար Ժաննա Անդրեասյանն ընդունել է Հայաստանի Հանրապետությունում Բրազիլիայի Դաշնային Հանրապետության արտակարգ եւ լիազոր դեսպան Ֆաբիո Վազ Պիտալուզային:

Հանդիպմանը ներկա էր նաեւ ՀՀ ԿԳՄՍ նախարարի տեղակալ Արթուր Մարտիրոսյանը:

ԿԳՄՍ-ից հայտնում են, որ նախարարը ողջունել է դեսպանին եւ շնորհավորել նշանակման կապակցությամբ՝ մաղթելով արդյունավետ աշխատանք՝ ի շահ հայ-բրազիլական բարեկամական կապերի զարգացման:

Հանդիպման ընթացքում կողմերը դիտարկել են կրթության, գիտության, մշակույթի եւ սպորտի ոլորտներում համագործակցության ընդլայնմանն առնչվող մի շարք հարցեր:

Անդրադառնալով վերոնշյալ ոլորտներում համագործակցության ընդլայնմանը՝ նախարարը տեղեկացրել է, որ երկու երկրների համապատասխան գերատեսչությունների միջեւ քննարկվում են բարձրագույն կրթության, սպորտի եւ ֆիզիկական դաստիարակության բնագավառներում համագործակցության մասին հուշագրերը:

Ժաննա Անդրեասյանը հույս է հայտնել, որ հայ-բրազիլական համագործակցության խորացման ու ամրապնդման ուղղությամբ աշխատանքներն ավելի արդյունավետ ընթացք կստանան:

Դեսպան Ֆաբիո Վազ Պիտալուզան շնորհակալություն է հայտնել նախարարին ընդունելության համար եւ ընդգծել, որ երկու երկրների միջեւ կրթության, գիտության, մշակույթի եւ սպորտի ոլորտներում առկա է սերտ համագործակցության մեծ ներուժ: Դեսպանը ներկայացրել է հնարավոր համագործակցությանն առնչվող ուղղություններն ու ծրագրերը՝ կրթական փոխանակումների, բուհերում բրազիլական պորտուգալերենի ուսուցման, հայ-բրազիլական մշակութային կապերի հզորացմանն ուղղված միջոցառումների իրականացման համատեքստում:

ԿԳՄՍ նախարար Ժաննա Անդրեասյանը հանդիպման ընթացքում դեսպանի ուշադրությունն է հրավիրել նաեւ Լեռնային Ղարաբաղում 44-օրյա պատերազմի հետեւանքով Ադրբեյջանի վերահսկողության ներքո անցած տարածքներում հայկական պատմամշակութային ժառանգության պահպանության խնդրին:

ՀԱՅՏԱՐԱՐՈՒԹՅՈՒՆ

Կորել է Ռաֆայել Արմենի Ղազարյանի N AB 211349 դիպլոմը՝ տրված Երեւանի գեղարվեստի պետական ակադեմիայի կողմից 30 հունիսի 2016 թվականին:

Գրանցման համար՝ 1333, որով Ռաֆայել Ղազարյանին շնորհվել է Համակարգչային գրաֆիկայի բակալավրի աստիճան: Համարել անվավեր:

ԱՇԽԱՏԱՐԱՆ

ԿԵՆՏՐՈՆԱԿԱՆ ԲԱՆԿԸ ՀՅՈՒՐԸՆԿԱԼՈՒՄ Է

ՀՀ կենտրոնական բանկում, «ԱրՔա»-ի հետ համատեղ, Mastercard Academy-ի կողմից ֆինանսական կառույցների վճարահաճվարկային ոլորտի մասնագետների համար անցկացվել է երկօրյա աշխատանք, որի հիմնական թեման վճարային ֆաբրիկայի ոլորտում կիրառված սանձազրկության եւ խառնախառնությունների դեմ ռայթարմ էր: Հանդիպման նպատակն էր Հայաստանի վճարային ցուկայի մասնակիցներին ծանոթացնել անվանական վեջին դահանգներին եւ ֆաբրիկայի գործառնությունների անընդհատ զարգացող միտումներին: Աշխատանքը վարում էր Mastercard-ի ներկայացուցիչ Եվգենի Բալեզինը, որը կարեւոր հարցեր է բարձրացրել սարածաբանում սարածված ռիսկերի մասին:



Mastercard-ը մասնակիցների հետ քննարկել է քարտերի խառնախառնության միտումները երկրի, տարածաշրջանային եւ համաշխարհային մակարդակներում, ինչպես նաեւ ամենատարածված եւ ակտուալ սխեմաներ (scam) եւ «սոցիալական ճարտարագիտության» օրինակներ, քարտով տարբեր տեսակի գործառնությունների ռիսկեր՝ ներառյալ էլեկտրոնային դրամապանակի գործառնություններ, դրամական փոխանցումներ, կիբերհարձակման օրինակներ, գումարի վերադարձման գործառնություններ: Ներկայացվել են նաեւ ծառայություններ մատուցողների եւ առեւտրային հարթակների հետ աշխատելու հիմնական մոտեցումներն ու պահանջները, նկարագրվել են հիմնական համապատասխանության ծրագրերի շահագործման սկզբունքները:

Ներկայացվել են նաեւ Mastercard-ի հակախառնախառնության եւ ռիսկերի կանխարգելման լուծումները, որին հետեւել է քննարկում:

2 օր հատկացվել է բողոքարկված գործարքների գործընթացի ամբողջական

ցիկլի մանրամասն նկարագրությանը, ավտորիզացիայի հիմունքներին եւ խառնախառնության կանխարգելման տեխնոլոգիաներին. քննարկվել են տարբեր տեսակի վիճարկվող գործարքներ:

Աշխատանքի ընթացքում Mastercard-ի ներկայացուցիչ Եվգենի Բալեզինը ընդգծել է համատեղ համագործակցության եւ վճարային էկոհամակարգում ռիսկերի նվազեցման կարեւորությունը: «Mastercard-ի առաքելությունն է նպաստել վճարումների ապահով եւ վստահելի միջավայրին: Այս նպատակին հասնելու գործում կարեւոր դեր է խաղում Հայաստանի կենտրոնական բանկի եւ տեղական շահագրգիռ կողմերի հետ մեր համագործակցությունը»:

ՀՀ կենտրոնական բանկը նույնպես իր երախտագիտությունն է հայտնել Mastercard-ին եւ ընդգծել նման կանխաձեռնությունների կարեւորությունը Հայաստանի վճարային շուկայի համար:

Աշխատանքի ընթացքում մասնակիցների հետ իրենց փորձով են կիսվել նաեւ Նիկո Տուլաշվիլին, Կունտայ Սիմբատովան եւ Ելենա Խասանովան: Միջոցառումը կարեւոր դեր է խաղացել մասնագետների ամուր ցանցի ստեղծման գործում՝ նվիրված վճարումների անվտանգությանը եւ սպառողների պաշտպանությանը:

Որպես ոլորտի առաջատար՝ Mastercard-ը հավատարիմ է մնում նորարարություններին, անվտանգության ստանդարտների առաջնահարգմանը եւ վճարային էկոհամակարգի ամրապնդմանը: Ընկերության շարունակական համագործակցությունը կարգավորող մարմինների, ֆինանսական հաստատությունների եւ ոլորտի շահագրգիռ կողմերի հետ ցույց է տալիս իր հանձնառությունը հաճախորդներին ապահով եւ անխափան վճարման փորձ ապահովելու հարցում:

ԿՐԹՈՒԹՅՈՒՆ

ԳՊՐՈՑԸ ԳԵՄ Է ՕՊՏԻՄԱԼԱՑՄԱՆԸ

«ԿԳՄՍ նախարար Ժաննա Անդրեասյանի հետ հանդիպումն անցավ դրական մթնոլորտում. որոշվեց, որ նախագիծը կլրամշակվի, սակայն դա մեզ համար բավարար չէ, քանի որ մենք դեմ ենք դպրոցի փակմանը», - ասաց Արմավիրի թիվ 4 ավագ դպրոցի տնօրեն Անի Զլաշյանը:

Հիշեցնենք, որ նախարարությունը նախատեսում է Արմավիրի թիվ 4 ավագ դպրոցը միավորել նույն քաղաքի թիվ 1 ավագ դպրոցի հետ: Նախագծի հիմնավորման մեջ միավորման անհրաժեշտությունը բացատրվում է երկու հաստատությունում էլ սովորողների թվի նվազմամբ եւ շենքերի օպտիմալ օգտագործմամբ: Նշվում է, որ նախորդ ուսումնական տարում Արմավիրի թիվ 1 դպրոցն ունեցել է մոտ 290 աշակերտ: Շենքը նախատեսված է 1000-ի համար: Թիվ 4 դպրոցում եղել է մոտ 250 աշակերտ: Շենքի նախագծային հզորությունը 680 է:

«Ինչպես հասկանում ենք, շատ պաշտոնյաներ են շահագրգռված, որ այս դպրոցը փակվի, որովհետեւ շենքը շատ բաՆուկ հատվածում է, կենտրոնում է եւ կարող է ցանկացած կենտրոնի համար օգ-

տակար լինել: Մենք սա դեռեւս խոսակցությունների մակարդակով ենք լսում, բայց չենք ուզում հավատալ», - նշեց նա:

Տնօրենի խոսքով՝ իրենց շենքն օգտագործելու է Արմավիրի բժշկական քոլեջը, սակայն, նախկին նախագծի համաձայն, այլ քոլեջներ եւս պետք է միացվեն, սակայն շենքի հզորությունը դա թույլ չի տա:

«Նախագիծը մեզ հետ չէր էլ քննարկվել, մենք հանրայնացվելուց հետո ենք իմացել: Մենք նախարարին ասել ենք մեր հակափաստարկները, ասել է՝ կվերանայվի: Բայց մենք բոլոր դեպքերում դեմ ենք, որովհետեւ արդար չէ, որ մեր բողոքները հաշվի չեն առնվում. մարդկանց հետ չի կարելի յայսպես վարվել: Մեր անձնակազմը 40 հոգուց ավելի է, եւ վստահաբար օպտիմալացման դեպքում ոչ բոլորն են աշխատանք ստանալու», - ասաց Անի Զլաշյանը:

ՀԱՍՏԱՏՎԵԼ Է ՀՈԳԱԲԱՐՉՈՒՆԵՐԻ ԿԱԶՄԸ

ՀՀ վարչապետ Նիկոլ Փաշինյանը որոշում է ստորագրել «Մատենադարան» Մերոպ Մաշտոցի անվան հին ձեռագրեր-

րի գիտահետազոտական ինստիտուտ» հիմնադրամի հոգաբարձուների խորհրդի կազմը հաստատելու մասին:

«Ղեկավարվելով «Հիմնադրամների մասին» Հայաստանի Հանրապետության օրենքի 22-րդ հոդվածի 3-րդ մասի, «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածի եւ Հայաստանի Հանրապետության կառավարության 2017 թվականի հուլիսի 20-ի N 927-Ն որոշման N 1 հավելվածի 28-րդ կետի պահանջներով՝

1. Հաստատել «Մատենադարան» Մերոպ Մաշտոցի անվան հին ձեռագրերի գիտահետազոտական ինստիտուտ» հիմնադրամի հոգաբարձուների խորհրդի կազմը՝ համաձայն հավելվածի:

2. Ուժը կորցրած ճանաչել Հայաստանի Հանրապետության վարչապետի 2017 թվականի դեկտեմբերի 26-ի «Մատենադարան» Մերոպ Մաշտոցի անվան հին ձեռագրերի գիտահետազոտական ինստիտուտ» հիմնադրամի հոգաբարձուների խորհրդի կազմը հաստատելու մասին» N 1531-Ա որոշումը», - նշված է որոշման մեջ:

Հոգաբարձուների խորհրդի նախագահ է նշանակվել ՀՀ կրթության, գիտության, մշակույթի եւ սպորտի նախարար Ժաննա Անդրեասյանը:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄԱՆՐԱՄԱՍՆԵՐ

ՔԱՐԴԱՇՅԱՆԸ՝ ԱՄՍԱԳՐԻ ՇԱՊԻԿԻՆ

Քիմ Բարդաջանը լուսանկարվել է TIME ամսագրի ժողովրդի համար, որը նվիրված է «Ամենաազդեցիկ ընկերություններին»:

«Սկզբում ես իսկապես չէի հասկանում, թե ուր է ընթանում իմ կարիերան, քանզի մի տեսակ առաջ էի գնում լիցենզավորման գործարքներ կնքելով բազմաթիվ տարբեր ընկերությունների հետ, որոնք հակասում էին իրենք իրենց...», - TIME-ին տված հարցազրույցում ասել է Քիմը:

Skims-ը, որն առաջին անգամ առաջարկեց ներքնազգեստ եւ ձգվող հանդերձանք, այնուհետև ընդլայնվեց մինչև տնային հագուստ, լողազգեստներ, շապիկներ եւ զգեստներ, փոխել է դա, եւ բիզնեսի աշխարհը տեսնում է այս ամենը: Խոսելով իր ամենահաջող ձեռնարկության մասին՝ Քարդաջանը կարծես թե թեթեւացել է. «Ես ինձ լավ եմ զգում: Ես արեցի դա»:

Skims-ը, որը հիմնադրվել է 2019թ.-ի վերջին, հայտարարել է, որ այն անցյալ տարի կազմել է 500 միլիոն դոլար՝ Լա-Խաստեվադից 25%-ով ավելի եւ 80%-ով ավելի, քան 2021թ.-ին: Առայժմ 2023թ.-ը դանդաղ տարի էր ներքնազգեստի վաճառքի համար, բայց լավատեսական տարի էր Skims-ի համար: Գործադիր տնօրեն Ջենն Գրեյդը, որն իր կնոջ՝ Էմմայի եւ Քարդաջանի հետ հիմնադրել է ընկերությունը, ասում է, որ ներքնազգեստի վաճառքն ապրիլին տարեկան կտրվածքով աճել է 86%-ով:

Ընկերության ազդեցության նուրբ նշաններ կան, ինչպես, օրինակ, #Skimsdupes անվանումը ստացած կրկնօրինակների աճը սոցիալական մեդիայում: Կան նաեւ ավելի քիչ նուրբ նշաններ. ընկերությունը փորձարկում է նոր ապրանքանիշի ընդլայնումներ, ինչպիսիք են հարսնացուի հագուստը, եւ, ինչպես Քարդաջանն է TIME-ին ասել, տղամարդկանց տնային հագուստի եւ ներքնազգեստի շարքը կթողարկվի այս աշնանը:

«Դա միանշանակ գերազանցում էր այն ամենը, ինչ ես երբեք պատկերացրել եմ», - ասել է Քարդաջանը: Ես դեռ ունեմ ինքնակոչի համախտանիշ կամ նման



բան, բայց ես կարծում եմ, որ դա այն բանի մի մասն է, որն ինձ ստիպում է առաջ գնալ»:

Քարդաջանը սեփական գումարները ներդրել է Skims-ում եւ հանդիսանում է ամենամեծ բաժնետեր: Նա սովորաբար հանդես է գալիս նաեւ որպես մոդել: Նա կարծում է, որ փորձել է ավելի քան 7000 իր: «Ես միշտ սիրում եմ դա տեսնել ինձ վրա», - նշել է նա: Բացի այդ, նա Skims-ի ստեղծագործական տնօրենն է, ընտրում է գործվածքներ, կտրվածքներ եւ կոնցեպտներ արշավի համար, լուսանկարիչներ եւ մոդելներ:

Ռեալիթի հեռուստաստղը ե՛լ գովեստի, ե՛լ քննադատության է արժանացել այն բանի համար, թե ինչպես է նա օգտագործել կազմվածքն իր ապրանքանիշը ստեղծելու համար: Կան մարդիկ, որոնք կարծում են, որ «տանձաձե» կազմվածքի նրա հանրահռչակումը ազատագրում էր, մինչդեռ մյուսները կարծում են, որ նա

ավելի շատ պարտական է սեւամորթներին ու իսպանացիներին: Բայց շատերը համաձայն են, որ նա ունեցվածքն անհարկի չի վատնում:

«Նորաձեւության մեջ փոփոխությունների հիմնական շարժիչ ուժն այն է, թե ինչպես ենք մենք ցանկանում, որ մեր մարմինը երեւա, եւ ինչպիսի ուրվագիծ ու մարմնի ձեւավորում ենք մենք ներկայումս գեղեցիկ համարում», - ասում է Լարիսա Քինգը՝ ներքնազգեստի դիզայները եւ Նյու Յորքի նորաձեւության տեխնոլոգիական ինստիտուտի ասիստենտը: «Քանի որ Քիմ Քարդաջանն ավելի ու ավելի հայտնի դարձավ մարդիկ ցանկանում էին իսկապես փարթամ հետույք ունենալ: Այսպիսով, մեր տաբատները բարձր դարձան, եւ ուշադրությունը կենտրոնացավ գոտկատեղի, կոնքերի եւ հետույքի վրա»: Քանի որ տաբատը բարձրանում է, ներքնազգեստը փոխվում է, որպեսզի համապատասխանի:

ՖՈՒՏԲՈԼ

ՀԵՌԱՆՈՒՄ Է «ԱԼԱՇԿԵՐՏ»-ԻՑ

«Ալաշկերտը» եւ թիմի կիսապաշտպան Արտակ Գրիգորյանը չեն երկարաձգել պայմանագրի ժամկետը. հարորդում է երեւանյան ակումբի մամուլի ծառայությունը:

35-ամյա ֆուտբոլիստը 2015-ից էր խաղում «Ալաշկերտում», որի հետ նվաճել է մի շարք տիտղոսներ, երկար տարիներ եղել է թիմի ավագը:

«Շնորհակալ եմ իմ հարազատ ակումբին տպավորիչ ժամանակաշրջանի համար: Միասին մեծ հաջողությունների ենք հասել:

Հաջողություն եմ մաղթում «Ալաշկերտին» նոր մրցաշրջանում: Այս թիմը յուրահատուկ տեղ է զբաղեցնում իմ սրտում», - նշել է Արտակ Գրիգորյանը:

«Ալաշկերտը» շնորհակալություն է հայտնում Արտակ Գրիգորյանին նվիրվածության եւ հսկայական աշխատանքի համար ու հաջողություն է մաղթում փորձառու ֆուտբոլիստին հետագա կարիերայում:

ՖՈՒՏԲՈԼԻՍՏՆԵՐԸ ՀԵՌԱՆՈՒՄ ԵՆ ԹԻՄԻՑ

2022/23 մրցաշրջանի ավարտից հետո «Արարատի» կազմում իրենց էլույթներն ավարտում են դարպասապահներ Սերգեյ Ռեյսակինն ու Գոռ Մանուկյանը, պաշտպաններ Հայկ Իշխանյանը, Հովհաննես Նազարյանը, Վարդան Արզոյանը, Դուշան Միհիչը, Թեդի Մեզազը, կիսապաշտպաններ Արմանդ Դագրոն եւ Զիլե Տիհիդիեն, հարձակվող Ամարա Տրաորեն:

Սերգեյ Ռեյսակինը 2019/20 եւ 2022/23 մրցաշրջաններում է հանդես եկել «Արարատում» ընդհանուր առմամբ անցկացնելով 33 հանդիպում:

Գոռ Մանուկյանը «Արարատի» կազմում մասնակցել է Fastex Հայաստանի պրեմիեր լիգայի վեց հանդիպման:

Հայկ Իշխանյանը նախորդ մրցաշրջանի մեկնարկում էր միացել «Արարատին» եւ թիմի կազմում մասնակցել է Պրեմիեր լիգայի 26 հանդիպման:

Դուշան Միհիչը «Արարատի» կազմում անցկացրել է 15 խաղ եւ դարձել է 2 գոլի հեղինակ:

33-ամյա Թեդի Մեզազը թիմի կազմում մասնակցել է 9 խաղի եւ դարձել է 1 գոլի հեղինակ:

Հովհաննես Նազարյանը երկու մրցաշրջան է անցկացրել «Արարատի» կազմում՝ ընդհանուր առմամբ մասնակցելով 26 խաղի եւ դառնալով մեկ գոլի հեղինակ:

Վարդան Արզոյանն ավարտված առաջնությունում 9 անգամ խաղադաշտ է դուրս եկել «Արարատի» մարզաշապիկով, իսկ ընդհանուր առմամբ նա «Արարատի» կազմում մասնակցել է Պրեմիեր լիգայի 80 խաղի եւ դարձել է մեկ գոլի հեղինակ:

Արմանդ Դագրոն երկու մրցաշրջանում «Արարատի» կազմում անցկացրել է 27 խաղ եւ դարձել է 1 գոլի հեղինակ:

Զիլե Տիհիդիեն «Արարատի» կազմում 11 խաղ է անցկացրել, իսկ Ամարա Տրաորեն մասնակցել է 27 խաղի եւ դարձել է 3 գոլի հեղինակ:

ԱՐՁԱԳԱՆՔ

ՄԱՀԱՑԵԼ Է ԶՈՒՄԻ ՄԱՅՐԸ

«Ժողովուրդ» օրաթերթին հայտնի դարձավ, որ հունիսի 17-ի առավոտյան կյանքից հեռացել է երգչուհի Զուսի մայրը, որը երկար տարիներ պայքարում էր քաղցկեղի դեմ:

Նշենք, որ երգչուհին «Ինստագրամ»-ի «Սթորի» բաժնում հրապարակել է մայրիկի երիտասարդ տարիների լուսանկարները:

Հիշեցնենք, որ Զուսի մայրիկին ֆինանսական օգնություն տրամադրելու համար կորոնավիրուս համավարակի ժամանակ երգչուհու ընկերները կազմակերպել էին դրամահավաք:

ՈՒՐ Է ԼԵՅԼԱ ՍԱՐԻԲԵԿՅԱՆԸ

Տեւական ժամանակ է՝ ՀՀ վաստակավոր արտիստուհի, երգչուհի Լեյլա Սարիբեկյանին հանրությունը էկրաններին չի տեսնում:



րիբեկյանին հանրությունը էկրաններին չի տեսնում:

Հետաքրքիր է՝ որտեղ է նա այժմ եւ ինչով է զբաղված:

Լեյլա Սարիբեկյանը «Ժողովուրդ» օրաթերթի հետ զրույցում նշեց, որ էկրաններին չերեւալը դեռ չի նշանակում, թե իր ստեղծագործական կյանքում պասիվ շրջան է: Երգչուհին մեզ հետ զրույցում շեշտեց, որ աշխատում է նոր երգերի վրա եւ վերջին շրջանում իր երկրպագուների դատին է հանձնել նոր երգեր, իսկ ավելի վաղ էլ ներկայացրել է տեսահոլովակ:

Երգչուհին ընդգծում է, որ հանրությունն իր աշխատանքները չի տեսնում, քանի որ հատուկ դրանք չի պրոպագանդում, սակայն դա չի խանգարում, որպեսզի նա շարունակի ստեղծագործել:

Նշենք, որ Լեյլա Սարիբեկյանի ամենահայտնի երգերից է «Միասնության շուրջապար», «Տեսիլք», «Հրաժեշտ», «Հայրորդիներ» եւ այլն:

ԼԻՂՆ ԵՐԻՎԱՆԻՍ

● Հունիսի 23-ին Երեւանի Հ. Ղափլանյանի անվան դրամատիկական թատրոնում տեղի կունենա «Փարիզյան դատավճիռ» ներկայացումը: Տոմսերի արժեքը՝ 2000-3000 դրամ: Սկիզբը՝ ժամը 19:00-ին:



Էջը՝ ՍՅՈՒՆԷ ՀԱՍՏԱՐՁՈՒՄՅԱՆԻ

ՆԿԻՐԱՏՎՈՒԹՅՈՒՆ

**ՀԱՐՑ. Ո՞ւ՞մ կարող են նվիրվել բնակելի սարած-
նեղը ՀՀ-ում:**
Սերգեյ Մելիքյան (33 տարեկան)



ՊԱՏԱՍԽԱՆ. Պետական մարմիններին ամրացված բնակելի տարածքները կարող են նվիրվել համապատասխան տարածքում հաշվառված եւ մինչեւ 2017 թվականի դեկտեմբերի 1-ը փաստացի բնակվող Հայաստանի Հանրապետության այն քաղաքացիներին (բացառությամբ սահմանամերձ համայնքներում բնակվողների, որոնց համար փաստացի բնակվելու ժամկետի սահմանափակում չի նախատեսվում), որոնք պետական աջակցությամբ իրականացված բնակապահովման ծրագրերի շրջանակներում երբեւէ բնակարան (բնակելի տուն) ձեռք չեն բերել կամ բնակարան (բնակելի տուն) ձեռք բերելու համար ֆինանսական աջակցություն չեն ստացել:

Պետական գույքի կառավարման կոմիտե

«ԺՈՂՎՈՒՐԳ». Պետական մարմիններին ամրացված բնակելի տարածքները կարող են նվիրվել նաեւ նրանց, ովքեր սեփականության իրավունքով չունեն անշարժ գույք (բացառությամբ բնակելի տարածքների նկատմամբ ընդհանուր կամ բաժնային սեփականության իրավունքով իրենց պատկանող բաժնեմասի, չկառուցապատված հողամասերի, բնակելի նշանակության օժանդակ շինությունների, ինչպես նաեւ ոչ բնակելի նշանակություն ունեցող շենքերի, շինությունների):

ՃԱՌԱՅՈՒԹՅՈՒՆ

ՀԱՐՑ. Ո՞րն է քաղաքացիական ծառայող դառնալու համար անհրաժեշտ կրթության չափանիշը:
Լիաննա Պետրոսյան (22 տարեկան)



ՊԱՏԱՍԽԱՆ. Քաղաքացիական ծառայության պաշտոններ զբաղեցնելու համար ՀՀ քաղաքացին պետք է ունենա բարձրագույն կրթություն, իսկ պաշտոնի անձնագրով բարձրագույն մասնագիտական կրթություն նախատեսված լինելու դեպքում համապատասխան մասնագիտական կրթություն՝ բացառությամբ քաղաքացիական ծառայության մասնագիտական պաշտոնների 6-րդ, 7-րդ եւ 8-րդ ենթախմբերի պաշտոնների համար, որոնց համար առնվազն միջնակարգ կրթություն է պահանջվում:

ՀՀ վարչապետի աշխատակազմի քաղաքացիական ծառայության գրասենյակ

«ԺՈՂՎՈՒՐԳ». Առանձին դեպքերում մասնագիտական պաշտոնների 6-րդ, 7-րդ եւ 8-րդ ենթախմբերի պաշտոնների համար պաշտոնի անձնագրով կարող է սահմանվել բարձրագույն (մասնագիտական) կրթություն ունենալու պահանջ:

ԼՈՒՐ ԿԱԴՐ

Լուսանկարն արվել է Երեւանում



Երեւանի կենտրոնում շարունակում են «վխտալ» աղբակույտերը: Արվյան փողոցի բանուկ հատվածներից մեկում հերթական անգամ կուտակվել են աղբի թափուներ, որոնք անուշադրության են մատնվում քաղաքապետարանի կողմից:

ԲԱԺՆԱՌՂԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Շողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Շողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☾	Շիրակ	+ 8 + 12 +16 + 20	☾	Արարատ	+15 + 18 +26 + 38
☾	Կոտայքի լեռներ	+ 8 + 11 +15 + 18	☾	Արմավիր	+14 + 16 +26 + 28
☾	Կոտայքի նախալեռներ	+13 + 15 +23 + 26	☾	Վայոց ձորի լեռներ	+ 6 + 9 +15 + 18
☾	Գեղարքունիք	+ 5 + 10 +15 + 18	☾	Վայոց ձորի նախալեռներ	+15 + 19 +26 + 28
☾	Լոռի	+ 9 + 11 +14 + 17	☾	Սյունիքի հովիտներ	+15 + 19 +25 + 29
☾	Տավուշ	+10 + 14 +15 + 19	☾	Սյունիքի նախալեռներ	+11 + 13 +16 + 20
☾	Արագածոտնի լեռներ	+ 6 + 9 +16 + 18	☾	Արցախ	+14 + 18 +26 + 29
☾	Արագածոտնի նախալեռներ	+15 + 18 +23 + 26	☾	Երեւան	+14 + 16 +25 + 27

Լրատվական գործունեություն իրականացնող՝ «Շողովուրդ թերթի խմբագրություն» ՍՊԸ
Հասցեն՝ ք. Երեւան, Արվյան 22՝/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 21.6.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Շողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Շողովուրդ» օրաթերթի այսօրվա համարում»: